

衛生局局長彭 回

### 廣州市衛生局佈告修正取締特種藥

品規則由 佈告第三十一號

為佈告事。照得特種藥品一項。關係人民生命。配製不容輕忽。取締亟應謹嚴。經

李前局長擬訂取締規則。布告執行在案。現據該行商號以前定規則。稍有窒礙。聯同請願刪改。以便遵守前來。本局長俯順輿情。茲特刪除煩苛。酌予修正。務使商民利便。易於樂從。擬備取締規則十七條。提出

市政廳令准執行。並呈

省長公署備案。凡屬特種藥品商店。務須依限遵章掛

號。以利營業。合行佈告。市內商民人等一體知照。如有售賣或贈送各項特種藥品。須照後列規則。限佈

告後一個月內。遵章呈請掛號。給予執發。始准賣送。以便稽核而重衛生。倘敢故違。定即傳案處罰。其各凜遵。毋貽後悔。切切此佈

計 開

文 牘 各 局

修正取締特種藥品規則（已見本公報第一一七號

議決案）

中 華 民 國 十 三 年 二 月 日

局 長 彭 回

### 廣州市公用局咨教育局請令行所屬

各校嗣後凡有廣告飭送本局代貼

祇收工資免納使用料由

於咨請事。查本市廣告使用料征收細則第八條。規定揭貼廣告。由管理機關代僱工人揭貼。以免參差。前經佈告在案。茲據報稱。現當春季始業時期。市內各校。多有任意揭貼招生廣告。竟將本局在各區廣告場代貼之招紙。間有未屆期滿。擅行遮蓋。似此混亂秩序。固與定章不符。且於公家收入有碍。相應咨請查照。希即通令所屬各校。嗣後凡有廣告。須依法定手續。飭送本局代貼。祇收工資。免納使用料。以符原案。足網公誼。此咨。

十三年二月一日

公用局長姚觀順

### 廣州市公用局函復廣三鐵路管理局

三九

### 轉飭梁廣濟藥店迅到本局遵章納

#### 費由

逕復者。現准

貴局函開。案據西濠口車站站長張鑑源報告該站新舊碼頭。為男女候車之所。其鉛壁外為行人路。該站鉛壁外面租給梁廣濟藥店。繪登廣告。日前貴局派出工人。塗抹在各處商店民居外牆標貼街招等件。將該鉛壁外繪登廣告之處。亦用白灰塗抹。報候核辦等情前來。查敝路係國有鐵路。所有各車站馬頭。與一切公地牆壁內外。繪登商家廣告商標。均有繳納租金。此項租金。列入營業收入項下。作正開報。與商店民居牆壁不同。現貴局工人既將該處廣告誤塗。已由敝局飭人重油繪登。以免爭論。為特函懇分神飭知派出辦理此事各工人。對於該鉛壁外面繪登各種廣告。或張貼各種文告。勿再塗抹。以維路有利權。仍希見復。至緝公誼。等由准此。查該鉛壁外面。貴局既經租給梁廣濟藥店繪登廣告。如係繼續留用。應由該藥店於敝局佈告征收。廣告租用費時。具呈聲請保留。方合手續。乃迭經函告。未見依限具復。實屬有意抗延。若非飭役塗銷。奚足以彰信用。且敝局

此次奉

令設股專辦廣告事項。凡屬市內繪登廣告之牆壁。無國有民有。所納租金。概歸敝局征收。載在定章。不容放棄現該鉛壁外面。既由

貴局飭人重油繪登。而該廣告租用費。亦應由該藥店來局呈明。遵章繳納。由

貴局派員前來。照章收回業主應之四分之一。以符原案。准函前由。相應復請

查照。希即轉飭該藥店須依法定手續。迅到敝局呈明。遵章納費。毋得仍前玩忽。致干究罰。足緝公誼。此致。

十三年二月四日

公用局長姚觀順

### 廣州市教育局咨南番兩縣查照統一 市教育行政案辦理仍希見復由

咨第一三三號

為咨會事。案查市行政統一案。經由市行政委員會議決。呈奉省長核准分行遵照在案。現奉